

## معاندني ليه يا زمن

أنا زي مانا و لا يوم باتقدم  
و لو وقعت أقعد مع نفسي و اتندم  
أيام كتير عليه تعدي  
ما شفتش زيها  
و فيكي يا دنيا ناس  
شفتها و عرفتها  
أشكال كتير ملهاش عدد  
في ناس حلوة و ناس ملهاش سند  
بكيت كتير و عيني فيها دموع  
على ناس عايشة حقيقي  
لكن ميتة م الجوع  
في ناس تانية ضحية

في دنيا زي الرحايا  
و ناس عايشة بتشقى  
لكن ميهمهاش عيشة  
يا زمن ارفع وخفف  
قسوتك على الناس  
القلب مليون قسى  
من فضلك فضي الكاس  
هنفضل كده أتألم و اللا خلاص  
راح الإحساس  
الدنيا لسه قدامي واخدها بين إيديه  
لو عازت تشرب أسقيها دموع عينيه  
كل يوم الصبح جراحي تنزف هم  
و لما زادت آلامي  
صبحت جراحي غم  
أديني ماشي وسط الزمن

لكن مش متكتف  
كل يوم ببكي  
و دموعي تملئ بحور  
و في الدنيا عايش ألف و أدور  
لا مرة شفت فرح  
و لا عدى عليه سرور  
من قسوة الدنيا  
قلت أنام في قبو  
حزين من صغر سني  
و مين يشيل جراح عني  
و حتى اللي يواسيني  
جاي يزيد همي  
من كتر بكايا  
قالوا إني مدبوح  
و من قسوة ألمي

ما في يوم أقول و لا أبوح  
هي الدنيا كده يوم سليم  
و يوم أكون مجروح  
خلاص أتعودت علي الألم  
واتعودت علي الجراح  
يوم أبقى في عذاب  
و يوم أكون مرتاح  
أرجوكم  
خفو الجراح حبة  
من كتر قسوة الزمن  
أهرب و استخبي  
و لما اهرب يا زمن  
ليه تاني أرجعك  
و لو رحت أو غبت  
مين غيري يتوجعك

ماهو انا جايلك  
و انت كمان جايلي  
لما تحس إني أنا خفيت  
تنده عليا أرجعلك  
كاتب معايا عقد  
و موثقه بمواثيق  
لما اشوفك بعيني  
اكني شفت بريق  
أتوه جوه البرق  
و ما حسش أني غريق  
يا دنيا ليه راميه عليا شباكك  
لما ابعث عنك  
أروح ألقاكي هناك  
عائشة معايا كما الضل  
ما شفت يوم عدل

كل اللي شفته نل  
لا نافع أمشي في الشمس  
و لا حتى كمان في الضل  
لا المشي عدل نافع  
و لا المعوج  
سبت كل طريق معوج  
و هجرته  
و بكل وسيلة جبت حجر  
و حجرته  
داس علي الحجر  
وجه عليا و دهسني  
لولا ستر ربنا  
كان ها يهرسني  
هلمم جراحي من تاني  
واعيش مبسوط